

Hum Paryavaran Bachayen | By Kumaar Mukesh

Hum maanavta ke khaatir milke kadam badhaate hain.
Chalo haath bataate hain.
Is mahaavinaash se hum apni dharti ko bachaate hain.
Dharti ko bachaate hain.

Chalo milkar kadam badhaayen hum paryavaran bachaayen.
Chalo milkar kadam badhaayen hum paryavaran bachaayen.

Parameshwar ki rachna pyaari ye sundar sansaar.
Dhanya dhanya har praani jinko mila hai yah upahaar.
Kahin pe kal kal bahti nadiyaan, kahin pe jharne pyaare.
Kahin pe oonche oonche parvat, sundar bade nazaare.
Kahin pe vriksh ghanere dekhe, lade phalon se rahte.
Kahin pe phoolon ki kyaari hai jinpe bhavare baithe.
Sooraj chanda neel gagan ye baadal kaale kaale.
Hain anmol ye tohfe maanav, kyon na inhen sambhaale.
Kaise hogi inki raksha, yahi bataate hain.
Hum yahi bataate hain.
Is mahaavinaash se hum apni dharti ko bachaate hain.
Dharti ko bachaate hain.

Chalo milkar kadam badhaayen hum paryavaran bachaayen.
Chalo milkar kadam badhaayen hum paryavaran bachaayen.

Vaataavaran ki har ik rachna Ishwar ka vardaan.
Jinko tum nirjeev samajhte hain unmein bhi jaan.
Vaataavaran ko bana diya hai daulat ka vyaapaar.
Parvat ke seene mein tumne ghonp diye hathiyaar.
Jaise ko taisa milta hai vaar ke badle vaar.
Nadiyon ka raasta roka to hoga haahaakaar.
Jab jab hota hai dharti pe koi atyachaar.
Apna badla legi prakriti sun le ye sansaar.
Kudrat ka ye maanav ko sandesh sunaate hain.
Sandesh sunaate hain.
Is mahaavinaash se hum apni dharti ko bachaate hain.
Dharti ko bachaate hain.

Chalo milkar kadam badhaayen hum paryavaran bachaayen.
Chalo milkar kadam badhaayen hum paryavaran bachaayen.

Saari prakritik ghatnaayen Ishwariya parinaam.
Lekin kuchh ghatnaayen maanav jaati ka parinaam.
Kahin par aaya bhookamp to kahin pe dharti kaanpi.
Hui tabaahi aisi jiski kalpana humne na ki.
Kahin pahaad gire hain bhaari hua bada nuksaan.
Lekin itne par bhi kyon na samjhe ye insaan.
Aaya hai toofaan kahin to aayi hai sunami.

Kahin pada hai sookha aisa mit gaya daana paani.
Hum maanavta ki seva mein jeevan ko lagaate hain.
Jeevan ko lagaate hain.
Is mahaavinaash se hum apni dharti ko bachaate hain.
Dharti ko bachaate hain.

Chalo milkar kadam badhaayen hum paryavaran bachaayen.
Chalo milkar kadam badhaayen hum paryavaran bachaayen.

Maanav ban baitha hai daanav nirdai atyachaari.
Iske dushkarmon se aaye aapda dukh beemaari.
Apne laalach ki khaatir ye hare bhare van kaate.
Bech ke lakdi bhare tijori kaale dhan ko baante.
Karne ko vyaapaar pahaadon par ye kare khudaai.
Lekin isne na dekhi wo gahri gahri khaai.
Toote parvat aur pahaad to neev hui kamzor.
Aisa taandav macha maut ka dekh na paaya bhor.
Sambhalo aur sambhaalo tumko ye samjhaate hain.
Haan ye samjhaate.
Haan ye samjhaate.
Is mahaavinaash se hum apni dharti ko bachaate hain.
Dharti ko bachaate hain.

Chalo milkar kadam badhaayen hum paryavaran bachaayen.
Chalo milkar kadam badhaayen hum paryavaran bachaayen.

Daulat ke bhookhe maanav ne ki hai wo manmaani.
Aaya hai sailaab baadh ka chaaron taraf hai paani.
Bah gaye gaon ke gaon bachi na koi ek nishaani.
Dekho to is baadh se zyada hai aankhon mein paani.
Pashu parinde mare hazaaron mit gayi ped ki chhaaya.
Kai parivaaron ne ann ka daana bhi na khaaya.
Kisi ke sar se uth gaya, dekho maa baap ka saaya.
Koi apni aulaadon ko chaahkar bacha na paaya.
Hum sab un saari aatmaon ka shok manaate hain.
Haan, hum shok manaate hain.
Is mahaavinaash se hum apni dharti ko bachaate hain.
Dharti ko bachaate hain.

Chalo milkar kadam badhaayen hum paryavaran bachaayen.
Chalo milkar kadam badhaayen hum paryavaran bachaayen.

Mit gayi khet khaliyaanon se faslen wo lahlaati.
Khoon paseena ho gaya maati, bujh gaye diya baati.
Kudrat jab vikraal roop mein apna rang dikhaati.
Mahal do maihle shaano shaukat yahi dhari rah jaati.
Khela maanav kudrat se to hoga aisa haal.
Kudrat apna badla legi bankar sabka kaal.
Kudrat badhkar is duniya mein na koi kamaal.
Yahi vinaashak krodh roop mein yahi hai Deendayaal.
Sambhalo aur sambhaalo tumko ye samjhaate hain.

Tumko ye samjhaate hain.

Is mahaavinaash se hum apni dharti ko bachaate hain.

Dharti ko bachaate hain.

Chalo milkar kadam badhaayen hum paryavaran bachaayen.

Chalo milkar kadam badhaayen hum paryavaran bachaayen.

Paryavaran ki raksha karne ki hum kasam uthaayen.

Nadiyon aur pahaadon ko hum na vyaapaar banaayen.

Na hum karen pradushan koi, maanavta apnaayen.

Hum sab jitni bhi ho apni seva dete jaayen.

Jab jab koi vipda aaye milkar haath bataana.

Bhojan aur chikitsa ki tum seva karne jaana.

Tyaag samarpan aur daya se aage chale zamaana.

Kahe Sunil baat pate ki, gaay Mukesh taraana.

Hum saare prakriti ki raksha ki kasam uthaate hain.

Haan ye kasam uthaate hain.

Is mahaavinaash se hum apni dharti ko bachaate hain.

Dharti ko bachaate hain.

Chalo milkar kadam badhaayen hum paryavaran bachaayen.

Chalo milkar kadam badhaayen hum paryavaran bachaayen.

Hum maanavta ki khaatir milke kadam badhaate hain.

Chalo haath bataate hain.

Is mahaavinaash se hum apni dharti ko bachaate hain.

Dharti ko bachaate.

Chalo milkar kadam badhaayen hum paryavaran bachaayen.

Chalo milkar kadam badhaayen hum paryavaran bachaayen.

<https://bhaktivandana.com/lyrics/%e0%a4%b9%e0%a4%ae-%e0%a4%aa%e0%a4%b0%e0%a5%8d%e0%a4%af%e0%a4%be%e0%a4%b5%e0%a4%b0%e0%a4%a3-%e0%a4%ac%e0%a4%9a%e0%a4%be%e0%a4%8f%e0%a4%81-by-kumaar-mukesh/>